

Singapura bolot empat emas di Vietnam

Berita Harian, 30 August 2000, Page 15

Article also available on Microfilm Reel NL22000

Printer-Friendly Page

Singapura bolot empat emas di Vietnam

Matlamat tercapai tapi Sheik tidak puas hati dua keputusan kontroversial

SILAT OLEH

YUSOFF A. RAHMAN

MATLAMAT Singapura memenangi empat pingat emas tercapai tetapi pesilat negara mampu memungut dua lagi emas dalam Kejohanan Silat Belia Sedunia di Vietnam yang berakhir kelmarin.

Demikian tegas pengurus pasukan Singapura, Sheik Alauddin Yaacob, setelah rombongan negara pulang tengah hari semalam.

"Dari segi matlamat, kami menaruh keyakinan memenangi empat pingat emas tetapi terlepas peluang dalam dua acara olahraga kerana keputusan juri yang meragukan," dakwa Sheik, yang juga Pengarah Teknikal Persekutuan Silat Singapura (Persisi).

Selain empat pingat emas, Singapura juga memungut tiga perak dan tujuh gangsa dan muncul di tempat keempat dalam kejohanan itu.

Empat pingat emas diper-

olehi melalui Mohamed Ridhwan Masruhen, Muhammad Imran Abdul Rahman dan dua acara seni, gandingan Samrul Jamil dan Muhammad Yazid Arifian, dan tiga se-

rangkaian, Abdul Rahim Anwar, Kamarula Arifin Tahir dan Muhammad Said Juhari.

Menjelaskan mengenai dua perlawanan yang mencetuskan keputusan kontrover-

sial itu, Sheik berkata Mohamed Hidayat Jasni, yang tewas 2-3 di tangan Tong Van Vuong dari Vietnam dalam pertandingan akhir Kelas G, mulanya diisytiharkan seba-

gai pemenangnya.

"Tetapi dua tiga minit kemudian, kemenangan itu diberikan kepada pesilat tuan rumah.

"Bayangkan, Hidayat dan

para pesilat negara lain begitu gembira dengan kemenangan itu tetapi kemudian mendapati kemenangan itu berpindah tangan," kata Sheik.

Kekalahan Muhammad

Nasser Bahari, yang tewas 1-4 di tangan Sarpa Wasesa dari Indonesia dalam final Kelas K, juga menimbulkan banyak tanda tanya.

"Saya tidak faham bagaimana wasit, juri dan ketua pertandingan dari Indonesia memberikan kemenangan kepada pesilat Indonesia itu," dakwa Sheik.

Tetapi, Sheik menambah, beliau bangga dengan per-

sembahan Nasser.
Mengulas tentang persembahan keseluruhannya, Sheik berkata:
"Saya puas hati dengan pencapaian ini setelah kami berpeluang berlatih selama tiga bulan. Keupayaan kami memenangi empat pingat emas membuktikan negara-negara lain turut menghormati keupayaan Singapura."



APIS/RAJ
Pemenang pingat (Dari kiri) Mohamed Hidayat, Mohamed Taufik, Hafikah An, Imran Ahmad, Saideh Said, Imran Abdul Rahman dan Ridwan Masruhin antara peserta negara yang berjaya memenangi pingat.